

**NO. SOALAN : 31**

**PEMBERITAHUAN PERTANYAAN**

**DEWAN RAKYAT, MALAYSIA**

**PERTANYAAN : LISAN**

**DARIPADA : DATO' ABDUL MANAN BIN ISMAIL  
[PAYA BESAR]**

**TARIKH : 16.11.2015 (ISNIN)**

**DATO' ABDUL MANAN BIN ISMAIL [ PAYA BESAR ] minta MENTERI PERDAGANGAN DALAM NEGERI, KOPERASI DAN KEPENGGUNAAN menyatakan jumlah rampasan dan nilai barang tiruan yang dijual di Plaza Low Yatt dan Jalan Petaling pada tahun 2010, 2011, 2012, 2013, 2014 dan 2015.**

**JAWAPAN:**

**Tuan Yang Di-Pertua,**

Kementerian secara konsisten menjalankan pemantauan dan pemeriksaan untuk membendung penjualan barang-barang tiruan iaitu barang-barang yang dikenal pasti melakukan pelanggaran cap dagangan yang mana pelanggarannya menjadi satu kesalahan yang boleh diambil tindakan di bawah Akta Perihal Dagangan 2011.

Sepanjang tempoh dari 2010 hingga September 2015, KPDKKK telah mengambil tindakan ke atas penjualan barang tiruan di Jalan Petaling yang telah menghasilkan **53 kes** dengan nilai rampasan berjumlah **RM984,570.00**. Manakala di Plaza Low Yatt pula, sebanyak **82 kes** berjaya dihasilkan dengan nilai rampasan berjumlah **RM144,118.00**.

Kementerian sentiasa memberi perhatian serius dan berusaha menangani kegiatan penjualan dan pengedaran barang tiruan tidak hanya di Jalan Petaling dan Plaza Low Yatt, malah di seluruh negara. Oleh dengan itu, Kementerian mengalu-alukan kerjasama orang ramai untuk melaporkan sebarang kegiatan penjualan barang tiruan supaya tindakan segera dapat diambil terhadap pihak-pihak yang terbabit.